


A close-up photograph of a man with dreadlocks and a beard, wearing a dark sweater and a necklace. He is looking down at a baby who is lying in a white cloth. The background is softly lit with natural light from a window.

PAID FAMILY LEAVE

Tumutulong sa mga taga-California na tiyaking naroroon sila sa mga sandaling mahalaga.





Kwalipikado Ba Ako para sa Paid Family Leave?

Upang maging kwalipikado para sa mga benepisyong Paid Family Leave, dapat kang:

- Lumiban mula sa trabaho para pangalagaan ang isang kapamilya na may malubhang sakit, makapag-bonding sa isang bagong anak, o makilahok sa isang nagkakwalipikang pangmilitar na kaganapan.
- Masaklaw ng State Disability Insurance o isang planong boluntaryo kapalit ng State Disability Insurance.
- Kumita nang hindi bababa sa \$300 sa nakaraang 5 hanggang 18 buwan.
- Magsumite ng iyong claim nang hindi lalampas sa 41 araw pagkatapos mong simulan ang iyong pagliban na pampamilya. Huwag mag-file bago ng iyong unang araw ng pagliban.

Paano Kinakalkula ang mga Halaga ng Benepisyo?

Ang mga benepisyo ay 70 hanggang 90 porsyento ng iyong pinakamataas na pang-tatlong buwang kita, 5 hanggang 18 buwan bago magsimula ang iyong claim.

Tanyahin ang iyong mga benepisyo sa [Disability Insurance and Paid Family Leave Calculator](https://edd.ca.gov/PFL_Calculator) (edd.ca.gov/PFL_Calculator).



Nagbibigay ba ng Proteksyon sa Trabaho ang Paid Family Leave?

Hindi nagbibigay ng proteksyon sa trabaho ang Paid Family Leave. Maaaring magbigay ng proteksyon sa trabaho kung maging kwalipikado ka sa ilalim ng ibang mga batas:

- Federal [Family and Medical Leave Act](https://www.dol.gov/agencies/whd/fmla) (dol.gov/agencies/whd/fmla).
- Batas sa mga Karapatang Pampamilya ng California [Civil Rights Department](https://www.calcivilrights.ca.gov/) (calcivilrights.ca.gov).

Abisuhan ang iyong employer ng iyong plano na lumiban sa trabaho at ang dahilan sa pagliban alinsunod sa patakaran ng inyong kumpanya.

Paano Ako Mag-aaplay para sa mga Benepisyo?

Maaari kang mag-aaplay para sa mga benepisyong Paid Family Leave sa myedd.edd.ca.gov.

Para mag-file sa pamamagitan ng koreo, dapat kang magkumpleto at magsumite ng *Claim for Paid Family Leave (PFL) Benefits* (DE 2501F) form. Alamin ang higit pa sa [How to File a Paid Family Leave \(PFL\) Claim by Mail](https://edd.ca.gov/en/disability/How_to_Claim_by_Mail) (edd.ca.gov/en/disability/How_to_File_a_PFL_Claim_by_Mail).

Mga Claim sa Pagbibigay-Alaga

Magbigay ng medikal na sertipikasyon para sa iyong kapamilya na may malubhang sakit na nangangailangan ng iyong pangangalaga. Ang sertipikasyon na ito ay kailangang magmula sa kanilang lisensyadong propesyonal sa kalusugan. Dapat ka ring magbigay ng impormasyon tungkol sa kapamilya na inaalagaan mo at ng kanilang lagda.

Mga Claim sa Pakikipag-bonding

Magbigay ng mga dokumento na nagpapakita ng relasyon mo sa iyong anak. Maaari itong kopya ng sertipiko ng kapanganakan, kasunduan sa pag-aampon, o rekord ng paglalagay sa foster care ng iyong anak.

Kung kasalukuyan kang nakatatanggap ng mga benepisyo sa Disability Insurance na nauugnay sa pagbubuntis, hindi kailangang humiling ng Paid Family Leave claim form. Ang form na dapat i-file para sa pakikipag-bonding ay ipapadala sa pamamagitan ng [myEDD](https://myedd.edd.ca.gov) account o sa pamamagitan ng koreo kapag nagtapos ang iyong claim sa kapansanan na nauugnay sa pagbubuntis.



Mga Claim sa Pagtulong sa Militar

Ang mga claim sa pagtulong sa militar ay nangangailangan ng dalawang uri ng mga sumusuportang dokumento. Maaari itong katibayan ng nasasaklaw na aktibong duty o pagtawag sa nasasaklaw na aktibong duty at dokumentasyon ng nagkakwalipikang kaganapan.

Mga Planong Boluntaryo

Kung nasasaklaw ka ng isang planong boluntaryo, makipag-ugnay sa iyong employer para sa impormasyon tungkol sa iyong pagsaklaw at mga tagubilin sa kung paano mag-aplay para sa mga benepisyo.

Paano Kung Tinanggihan ang Claim Ko?

Kung tinanggihan ang iyong claim, may karapatan kang:

- Alamin ang dahilan para sa pagtangi.
- I-apela ang mga desisyon tungkol sa iyong pagiging kwalipikado para sa mga benepisyo. Bisitahin ang [Appeals](https://edd.ca.gov/en/Disability/Appeals) (edd.ca.gov/en/Disability/Appeals) para sa higit na impormasyon.

Ang lahat ng impormasyon sa pag-claim ay kumpidensyal maliban sa mga layunin na pinapahintulutan ng batas.

Tungkol sa Paid Family Leave

Ang programang Paid Family Leave ay nilikha para sa mga sandaling mahalaga. Mayroong mga benepisyo para alagaan ang isang kapamilya na may sakit na malubha, makapag-bonding sa bagong anak, o makilahok sa isang nagkakwalipikang pangmilitar na kaganapan.

Mga Impormasyon Tungkol sa Paid Family Leave

- Nagbibigay nang hanggang walong linggong bahagyang kapalit na sahod na mga benepisyo. Hindi kailangang ubusin ang lahat ng pagliban sa isang pagkakataon.
- Nagbibigay ng humigit-kumulang 70 hanggang 90 porsyento ng iyong lingguhang sahod.
- Pinopondohan sa pamamagitan ng iyong State Disability Insurance tax withholding, na nakasulat sa mga paystub bilang "CASDI", o isang nagkakwalipikang planong boluntaryo na binayaran sa nakaraang 5 hanggang 18 buwan.
- Para makapag-bonding sa isang bagong anak, maaaring lumiban sa trabaho anumang oras sa loob ng unang 12 buwan mula ng dumating ang anak sa inyong pamilya.
- Hindi nakaaapekto sa pagiging kwalipikado ang katayuan sa pagkamamamayan at imigrasyon.





Paid Family Leave

Tiyaking naroroon ka sa mga sandaling mahalaga.

Ingles	1-877-238-4373
Espanyol	1-877-379-3819
Cantonese	1-866-692-5595
Vietnamese	1-866-692-5596
Armenian	1-866-627-1567
Punjabi	1-866-627-1568
Tagalog	1-866-627-1569
TTY	1-800-445-1312

Pumunta sa isang [Paid Family Leave or State Disability Insurance office](https://edd.ca.gov/en/Disability/Contact_SDI) (edd.ca.gov/en/Disability/Contact_SDI) na malapit sa iyo para makakuha ng mga form sa pag-claim, makatanggap ng impormasyon, o makipag-usap sa isang kinatawan.